

INUIT ATAQATIGIIT INATSIARTUNI



UKA2022/88

Ulloq saqqummiivik: 20. Oktober. 2022

Illit atit: Mariane Paviasen

**Angerlarsimaffinni varmepumpenik aammalu solcellinik
pilersitsinissamut pitsaaqutit aammalu ajoqqutit misissornissaanut
Naalakkersuisut nassuiaammik suliaqarnissaat pillugu Inatsisartut
aalajangiiffigisassaattut siunnersuut. Nassuiaat taakkuninga
ikkussisoqartillugu Namminersorlutik Oqartussat
tapiissuteqarsinnaanissaannut aaqqiissummik eqqarsaatersuutinik
imaqassaaq. Nassuiaat kingusinnerpaamik EM 2023 Inatssartunut
tunniunneqassaaq.**

(Inatsisartunut ilaasortaq Nivi Olsen Demokraatit)

Inuit ataqatigiinniit siunnersuummik qaqitsisoq qutsavigaarput.

Ukiorpanngortuni oqallisaavoq silap pissusiata allanngoriartornera, nalorninaatsumik sila kissatsikkiartorpoq ilisimasalittagullu oqartarput tamanna allanngortinniarutsigu piaartumik iliuuseqartariaqartugut. Nunarsuarpummi sutigut tamatigut mingutsertuarutsigu kingulitta qanoq inuuneqarnissaat ilanngullugu mingutseriffigisussaassavarput, mingutsitsiuarneq sutigut tamatigut pisinnaanerput tamaat annikillisarartariaqarparput, nunarsuup teqeqqi tamaaviisa mingutsertuaannarsinnaangilagut.

Siunnersuusiortup inuinnarnik taagugai tassaasoraarput inuit namminerisaminnik angerlarsimaffiuteqartut, illuutillit.

Nunatsinni namminerisamik illuutillit nukissiornermik innaallagiaappat, kiassarneruppat apeqqutaatinnagu minguinnerusumik atortulersornissaminnut periarfissagissaarpallaangillat, bankit periarfissarititaat eqqaassanngikkaanni,

INUIT ATAQATIGIIT INATSISARTUNI



taakkuli assigiingitsunik erniaqartitsinerisa isertitakinnerusunut inoqarfinnilu inukinnerusuni ajornakusoortissinnaasaraat tusarsaasarpog.

Ajuusaarnarporlu silap pissusiata allanngoriartornera aamma tassaalersimammat aningaasarsiorumatuunit iluanaarniutaasoq.

Tulluusimaarutigaarput Inuit Ataqatigiinni mingutsitsinnginnerunissaq anguniartuarlugu suliaqaratta soorlu siuttunngorattali mingutsitsinermik annertuumik nassataqartussat arlalissuit maani tigussaasumik suliareersimaleratsigit. Uuliasioqqusiunnaarneq, uranasioqqusiunnaarneq, annerusumik erngup nukinganik innaallagissiorfinnik siunnerfeqarneq, eqqagassanullu tunngasut minguinnerusut.

Nuannaarutigearpullu solcelle-nik taagukkat uagut seqernup qinngorneri atorlugit innaallagissiorfinnik taagorniakkagut, aammalu varmepumpe-nut kiassaatic pumpemik ingerlatilinnut atuinissamut periarfissanik nutaanik ujartuisoqarmat, taakkoqqissaallu Inuit Ataqatigiinni ilaasortaatictatta aasaq manna paragraf 37-ikkut apeqquteqaaticgai, akissummili atuarsinnaavarput kiassaaticnut pumpet taamaallaaat erngup nukinganik innaallagissersorneqartuni aatsaat mingutsitsinngitsumik taaneqarsinnaasut, aammalu Naalakkersuisut ukiup tullianut aningaasanik immikkoortitsinissaminnut pilersaaruteqanngitsut.

Ullutsinniuna assut pitsaasuusog interneqqaratta tassuunakkullu misissuisinnaasarluta, quppernerit assigiinngiaartut assigiiamik oqariartuuteqartut maluginiarnarpoq tassalu kiassaaticpumpianik atuinerup c/o2-mik aniatitsineq annikillisittaraa oqariartuutigineqarpoq.

Kiassaaticnut pumpe-t iluaqutaasumik atorneqarlualissappata pisariaqartinneqartut ilaattut taaneqartariaqartoq tassaavoq illut ukiorpassuit matuma siorna sanaartugaasimasut sinerissami amerlammata, taakkulu namminerisamik pigineqarsimappata nutaanik oqorsarneqarnissaanut

INUIT ATAQATIGIIT INATSIARTUNI



pisariaqartitsippata periarfissanik pitsaasunik pilersitsinissaq pisariaqarpoq, soorlu tamanna Århusip universititiani ilisimatusarfigineqarsimanerata takussutissaqartikkaa nunarsuatsinni sanaartornerup c/o2-mik aniatitsineq 11%-imik annertussuseqartoq, takorloorsinnaavarpulli angerlarsimaffiup suliffeqarfiulluunniit illuutaat qanganitsersimatillutik kiammik annertuumik aniatitsisarnerat qanoq annertutigisimassanersoq, taamaammat mingutsitsinginnerusumik ingerlalerniarnermut ilaatillugu angerlarsimaffiit namminerisamik pigisat piginnittunit oqorsaqqinnissaannut pisariaqartitsisoqarpat periarfissarsiuuttariaqarsorinarput.

Sammissamulli uteqqikkutta siunnersuutip imarisaa kiassaait pompe-anik aammalu seqernup nukinga atorlugit nukissiuuteqalernissamut pitsaaqutit ajoqutillu misissornissaannut Naalakkersuisut peqquneqassasut, isumaqarpugut Naalakkersuisut nukissiuutit qorsunnik taaneqartartut atorneqalernissaannut, aammalu angerlarsimaffiutillit, suliffeqarfiutillillu sanaartukkani oqorsaait pisoqalisimasuni nutarterinissamut periarfissat suunerinik misissuilluarnissaat nalunaarusiornissaallu pisariaqartoq.

Taamak oqaaseqarluta Naalakkersuisut allannguutissatut siunnersuutaat taperserlugu qulaannilu taakkartukkagut ilanngullugit suliarineqarnissaat kissaatigalugu sanaartornermut ataatsimiititaliamut ingerlateqqipparput.

Qujanaq